

TĀTOU I TE AO

Āta mātaihia te whakaahua o raro iho nei. He maha tonu ngā kōrero kei tēnei whakaahua e pā ana ki a tātou anō, ki ngā āhuatanga whakahirahira hoki ki a tātou. Āta whakaarohia o whakautu.

▶ He aha te take e tū ana ngā taiohi ki te mahere whenua o Aotearoa?

▶ Kei te ahu whakarunga te titiro a tētahi o ngā kōtiro, kei te toro hoki ōna ringa. He aha pea ōna whakaaro?

▶ He aha ngā mōhiotanga kei te tohua i te āhua o o rātou kānohi?

▶ Me i whai wāhi koe ki te kōrero ki te tamaiti tāroaroa kei muri, he aha tāu pātai ki a ia?



▶ Me whakakite koe he tangata koe kei tēnei whakaahua. Ka pēhea tō tū? He aha pea ōu whakaaro? Ko wai ngā tāngata ka whakaritea kia tū ki muri i a koe?

▶ Kei te ahu whakarunga hoki te titiro a te kōtiro e mau tarau māwhero ana. E tohu ana te āhua o tōna kanohi i te aha?

▶ Ko wai ngā kaumātua kei te papamuri? He aha te wāhi ki a rātou?

▶ He aha te hiranga o te mahere whenua Aotearoa me te Ao whānui?

▶ He aha ngā kōrero ka puta i te whakaahua nei mō te hiranga o te whānau?

